

61

79.

D. D.  
*Dissertatio Philosophica,*  
De  
CAUSSIS,  
CUR DEUS INSECTA  
CREAVERIT,

---

Quam  
*Consent. Ampliss. Facult. Philos.*  
PRÆSIDE,  
MATTHÆO FREMLING,

Philos. Theoret. Prof. Reg. & Ord.

*Publico Examini Subjicit*

AUCTOR  
CONRADUS QUENSEL,

*Scanus.*

Die X Junii A. MDCCLXXXVI.

---

LUNDÆ,  
Typis BERLINGIANIS,

---

Je m'élève à la RAISON ETERNELLE, j'étudie  
ses Loix & je l'adore.

BONNET.

§. I.

**E**quidem Historiam Naturalem, quoniam non minus varia est, quam ipsa, de qua narrat, natura, in disciplinis habendam vastissimis puto. Cum video huic scientiæ deditos, res minutissimas terra, marique conquirere, & si quarum tenuitas oculorum aciem fugit, has difficultates eos, ope microscopiorum, perrumpere conari; nescio omnino, utrum numerus rerum investigandarum, an magnitudo laboris perferendi, majorem habeat admirationem. Sed qui amplam hanc nobis tradiderunt disciplinam, duo ejus genera præcipue fecere; alterum cognitionem plantarum, alterum autem animalium attingit: illud *Botanica*, hoc *Zoologiam* dicunt a). Suos quidem Botanice semper fere habuit amatores; Zoologia vero, contra, quam oportuit, diu negligenter tractata fuit, in primisque ea pars, quæ in cognoscendis insectis versatur. Sciendum autem quid sibi velit *Insectum*, ne hoc nomen vermibus etiam imponamus, quos Nobiliss. C. a LINNÉ ab insectis separare primus eruditos docuit. Insecta recte dicit Vir Summus antennis

a) V. C. a LINNÉ, *Aman. Acad. Vol. 7. p. 130.*



tenuis uti, vermes carere; pedibus quoque illa instructa esse, hos non item. Præcipua vero nota in antennis, in fronte conspicuis, & a tentaculis vermium plane diversis, posita est b). Et eam quidem Zoologiæ partem, quæ insecta tractat *Entomologiam* vocant. Sed quia insecta, contra, ac alia animalia, ex rebus putridis, & detestandis nasci c), eaque non tam ad victum esse necessaria, quam ad pœnas hominibus irrogandas, perperam existimarunt veteres, ideo penitus ea extirpanda, tempusque iis contemplandis, & cognoscendis stulte impendi statuerunt. Ex quo factum est, ut Entomologia, contentu inter eruditos laborans, ad nostram usque ætatem ferre neglecta fuerit d). His autem tenebris, in decus ingenii humani, dispulsis e), caput extollere, & se erigere nostro demum saculo Entomologia cœpit. De omnibus, qui se Entomologiæ studiosos profitentur, longum est dicere; qui vero omnia insecta sibi nota, in *Classes, Ordines, Genera, & Species*, distribuerunt, ut suo certo, ac proprio vocabulo nominarentur, in iis, præter alios, præcipuam gloriam sunt consecuti J. RAJUS, M. LISTER, C a LINNÉ, J. A. ROSELL v. ROSENHOFF, GEOFFROY, J. C. FABRICIUS f). Quoniam quidem hominis

a 2

pro-

b) V. C. a LINNÉ, *l. c. p. 140.*c) V. J. GOEDARTII *Metamorph. & Hist. Natur. Insectorum, cum comment. J. de MEY, Pars I. p. 16.*d) V. C. a LINNÉ, *l. c. p. 130. seq.*e) V. W. DERHAM, *Physico-Theologie, p. 340. seqq. in not. ed. suec.*f) V. J. C. FABRICII *Philos. Entomol. p. 3. leqq.*



proprium est, in causas rerum, quæ obviæ sunt, inquirere, idcirco non modo infectis cognoscendis, sed & causis, cur creata sint, quærendis, operam dandam putavi. Quibus de causis cum scribere animo meditor, te oro, & rogo, B. L. ut facilem te, & æquum, in hoc immaturo specimine examinando, præbeas.

## §. II.

Ac Deum quidem, & bene voluisse omnibus animalibus; & optime eorum commodis consuluisse, non dubium est, quin videre possimus, modo ne opinionibus præjudicatis, omnia more perverso interpretantibus, nimium indulgeamus g). Nec vero aliter de Deo cogitare jubet felicitatis mira varietas, quam, in omnibus animalibus, terrestribus, aquaticis, amphibis, volatilibus, & reptilibus, obviam habemus h). Hominem quidem experiri multa paupertas jubet; sed pauperi sua quoque est felicitas; cibi enim condimentum fames est, qua depulsa, soluto vultu animi hilarem affectionem mendicus testatur. Atque etiam aves, in aëre canentes, pisces, in aqua ludentes, ranae, in paludibus coaxantes, quadrupedia, in campis saltantia, satis superque ostendunt, non solum in ædificiis amplis, & magnificis, sed ubique locorum felicitatem regnare. Sordidissima quoque, & contemnitissima insecta in cadaveribus putrescentibus


g) V. E. PLATNERS *Philos. Aphorif.* p. 369. *seq.*

h) V. I. G. H. FEDERI *Instit. Logic. & Metaph.* p. 254. *ed. 2.*

*et de his  
non infelicitatibus.*

*Antithesis.*

*et infelicitatem*



bus, ut *Musca cadaverina* i), in stagnis putridis, ut *Culicum* larvæ k), in stercore animalium, & cloacis, ut *Scarabæus fercorarius* l), voluptatem inquæunt, quæsitamque reperiunt. Itaque felicitas in maximis, & minimis rebus æque perspicua est; & quot sunt animalia, tot simul exstant expressa illius vestigia. Hinc, si rationem tot animalium, & in his insectorum, me afferre jubes, responsio non est difficilis, quoniam ex innumeris hisce animalibus satis intelligitur, voluisse Deum innumera voluptatum genera, innumeris modis varia m). Nullum vero est animal, quod sibi tantum vivat; mutuis enim commodis animalia, quin etiam omnes res, inserviunt n).

a 3

Et

i) V. C. a LINNÉ, *Faun. Svec.* p. 451. seq. ed. 2.

k) V. J. C. FABRICIUS, *l. c.* p. 174.

l) V. C. a LINNÉ, *l. c.* p. 135.

m) V. C. BONNET, *Palingénès. Philos. Tom. 1. p. 251. seq.* E. PLATNER, *l. c.* p. 368. seq.

n) Singula, quæ Creator Optimus Maximus, in globo nostro terraqueo produxit, ordine, & nexu inter se coherent mirabili, & a mutuis officiis conservationem expectant perpetuam. Ipse terrenus Orbis, cum Petris, Mineris, & Fossilibus, ab Elementis ortum trahit, cre-sciturque. Vegetabilia: Arbores, Plantæ, Gramina, Musci, e terra nutriuntur; Animalia denique ex vegetabilibus. Hæc omnia tandem mutantur in primæ sædum sua principia. Terra in nutrimentum cedit Plantæ; Planta Vermi, Vermis Avi, & Avis sæpe Fera; atque tandem, inverso ordine, pascitur ex Fera Accipiter, ex Accipitre Vermis, ex Verme Planta, ex Planta Terra. Fit Homo quidem, qui omnia in sui usum

= descriptioni amicitia & inimicitia in natura.

Subi. thes.

in hoc nihil

signum se voluit

se ad infinitum

summarum tar

tum respiciatur

unius perspicit

me voluptatis

genus aptat

quæst, quem

infinita volupe



tes inferiores

quænam ea actus

semper erit

cas consequa

turi.



2<sup>a</sup> c.  
utilitas ceteris  
animalibus.

Et ad insecta quod attinet, dum proprio lucro curas intendunt, & sibi voluptatem, & ceteris animalibus utilitatem, creant. Cadavera enim foetida, aërem inquinantia; cum cupide devorant *Dermeſtæ* o), *Silphæ* p), in primisque *Muscæ* q), nihil, præter ossa arida, relinquentes; cum in stagnis aceſcentibus, & putridis, luxuriose victitant *Culicum* larvæ, tum vero, tamquam publicæ providerent ſaluti, aërem, aquamque, ne odore ſædo hominibus, aliisque animalibus noxiæ ſint, officioſe depurgant. De rebus quidem abjectiſſimis vivunt; ſed quod iis natura inſitum eſt, eo uti decet. Ut lato vultu, quantum fieri poſſit, natura rideat, plantis morboſis, quæ adſpectu ſunt triſtes, *Aphides* exitium parant, atque hoc ipſo non ſibi ſolum alimentum quarunt, ſed aliæ etiam plantæ fructuoſæ locum creſcendi capiunt r). Hibernat quidem *Oeſtrus bovis* s) in dorſo boum, ſed gratis tamen in alieno non habitat; ſiquidem ulcus, quod inde exiſtit, ad derivandos humores nimios conducit t). Et quoniam ſorum nectar avide

vertere ſolet, non raro præda fit, *Feræ*, *Accipitri*, *Lamiæ*, *Vermi*, aut *Terræ*. Sic in orbem omnia volvantur. V. C. a LINNÉ, *Amen. Acad. Vol. 2. p. 333. ſeq.*

o) V. C. a LINNÉ, *Faun. Svec. p. 140. ſeqq.*

p) V. C. a LINNÉ, *l. c. p. 147. ſeqq.*

q) V. C. a LINNÉ, *l. c. p. 451. ſeqq.*

r) V. J. C. FABRICIUS, *l. c. p. 174.*

s) V. C. a LINNÉ, *l. c. p. 428.*

t) V. J. C. FABRICIUS, *l. c. p. 176.*

petit magna pars insectorum; ideo fit, ut pollen dispersum stigmati imponant, & propagationem plantarum, ex quibus victus hominum, aliorumque animalium tantopere pendet, mercedem quasi laborum acciperent, laboriose promoveant u). Hoc ipsum in Ficu, *Cynips sycomori* evidenter ostendit v). Plantas autem in aliarum perniciem luxuriosas, ut æqua omnibus conditio sit, vi domant. Exempli loco nominabo *Tipulam nigram*, radices plantarum consumentem x), *Bombycem graminis*, prata certis annis vastantem, ex quo fit, ut prata, antea viridi tantum gramine vestita, proximis annis blandis floribus superbiant y). Atque hac quidem ratione, quoniam nonnullis animalibus suæ sunt plantæ, quibus præcipue victitant, nullum alimenti genus in ruinam animalium perit.

### §. III.

Insectis etiam, quod omnibus notum esse arbitror, aves aluntur, quarum vel concentus aures mulcent, vel forma, & colores oculos pascunt, vel carnes linguam jucunde afficiunt, & nutrimento corporis inserviunt. Neque minus insecta in deliciis sunt piscibus, quorum usus æque voluptuosus est, atque ad vitam sustentandam necessarius. Quin etiam non-

u) V. C. a LINNÉ, *Amæn. Acad. Vol. 1. p. 371. seq.*

v) V. C. a LINNÉ, *Syst. Nat. Tom. 1. Pars 2. p. 919. ed. 12. Cfr. Ejusd. Amæn. Acad. Vol. 1. p. 41. seq.*

x) V. C. a LINNÉ, *Faun. Svec. p. 433.*

y) V. C. a LINNÉ, *l. c. p. 303.*



nonnullorum insectorum gustatus hominibus jucundus est, iisque avidè vescuntur plerique, in quibus sunt, *Cancer menas*, *Cancer gammarus*, *Cancer pagurus*, *Cancer astacus*, *Cancer squilla*, z), *Gryllus cristatus* a). Neque, quæ ex *Ape mellifica* capimus commoda, eorum quemquam ignarum esse puto. Apes, huc illuc in hortis amcenis, in agris fertilibus, in pratis ridentibus vagantes, mel e nectariis florum, ceramque e polline antherarum sedulo colligunt b), eaque omnia disponunt, ac per favos, cum in suam, tum maxime in utilitatem hominum artificiose digerunt. Nullus omnino, cum per cælum licet, otio perit dies. Quis est, qui non admiretur *Bombycem mori*, telas texentem sericas c), pecuniosis æque, atque egenis necessarias: illis, ad pompam adhibendam, his, ad pecuniam quærendam. Non enim gratis colitur hæc bestiola, sed laborem largè compensat, cujus rei integras nationes testes habemus d). In rebus tingendis insectis utimur, in quibus numeramus *Coccum cacti* e), & *Coccum ilicis* f), quæ inse-

z) V. C. a LINNÉ, *l. c. p. 492. seqq.* Cfr. C. de GEER, *Memoires pour servir à l'Histoire des Insectes*, Tom. 7. p. 360.

a) V. C. a LINNÉ, *Syst. Nat. Tom. 1. Pars 2. p. 699.*

b) V. C. a LINNÉ, *Faun. Svec. p. 421. seq.*

c) V. C. a LINNÉ, *Syst. Nat. Tom. 1. Pars 2. p. 817.*

d) V. C. a LINNÉ, *Amaz. Acad. Vol. 7. p. 436. seq.*  
Cfr. J. AUNANTS *Gründliche Anweisung, zum Seiden-Bau und da zu gehörigen Maulbeer-Baum-Plantagen*, p. 40. *seqq.*

e) V. C. a LINNÉ, *Syst. Nat. Tom. 1. Pars 2. p. 742.*

f) V. C. a LINNÉ, *l. c. p. 740.*



insecta rubro colore, in quo multi admodum delectantur, pulchre tingunt g). Ars etiam Medica usum insectorum agnoscit; ut alia insecta alimentum, & ornamentum sanis, sic alia medicinam, & sanitatem aegris promittunt. Namque *Meloë vesicatorius* ejusmodi vim habet, quæ in partibus corporis, quibus applicetur, vesiculas excitet h), quamobrem in evacuando, si rem ita postulare prudentes intelligunt, salutare esse potest medicamen i). Ex omnibus pedum geniculis *Meloë proscarabeus* oleum limpidissimum emittit k), quod in morbis chronicis adhibetur, & in emplastra, contra bubonem, & carbunculum pestiferum ingreditur l). Neque vero *Formica rufa* m), parvulum sane animal, sed magni laboris, usu caret; spiritu enim formicarum in vertigine, & paralyti utuntur Medici, ab iisque balneum e myrmecio in spasmis, & arthritide commendatur n). Neque tamen negandum insecta œconomiae privatae saepe esse nociva; sed, non semper desunt, quæ his malis quæri possint, remedia, id quod nonnullis exemplis illustrabo. Nota est *Blatta orientalis*, quæ, cum noctu prædatum exit, panes, ocreas, & varia

b. uten-

g) V. C. C. FLODIN, *Dissert. Entomol. Medicam sistens*, p. 8. seqq.

h) V. C. a. LINNÉ, *Faun. Svec.* p. 227.


i) V. C. C. FLODIN, *l. c.* p. 7.

k) V. C. a. LINNÉ *l. c.* p. 227.

l) V. C. C. FLODIN, *l. c.* p. 5.

m) V. C. a. LINNÉ, *l. c.* p. 426.

n) V. C. C. FLODIN, *l. c.* p. 11.



utensilia devastat; sed quia lucem, furum in modum, moleste fert, ideo, accensa candela, confestim fugam petit o). Molestias etiam maximas contubernio suo nobis affert *Cimex lectularius* p); epellitur vero hospes intolerabilis fumo *Capsici*, ramis *Ledi palustris* q), in primisque *Cimicifuga fatida*, cujus odor est teterrimus r). Paucis autem insecta sunt malo, plurimis bono. Itaque Celeb. J. C. FABRICIO accedere nequeo, qui œconomia privata insecta plus damni apportare, quam lucri, putat. Etenim in œconomia naturæ, quod sunt permagni momenti, propterea, siquidem ab ea omnis privata œconomia pendet, de privatis etiam rebus, quantum fieri possit, insecta bene mereri perspicuum est. Leniunt hujus generis bestiolæ minora incommoda, majorum commodorum compensatione s), quapropter suam cuique incommodum æquo animo ferendum est; sin aliter, ac sunt, res ordinatas voluerit, pereat mundus necesse est. Sed mirum, quantum quoque insecta ad Deum cognoscendum, & colendum faciant. Minutissimum enim insectum, quod pedibus calca-

o) V. C. a LINNÉ, *l. c.* p. 234. *seq.*

p) V. C. a LINNÉ, *l. c.* p. 245.

q) V. C. a LINNÉ, *Flora Suec.* p. 135. *seq. ed. 2.*

r) V. C. a LINNÉ, *Amæn. Acad. Vol. 7.* p. 435. Cfr. *Syst. Nat. Tom. 1. Pars 2.* p. 715.

s) Il arrive quelquefois, que ce qui est desordre dans la partie, est ordre dans le tout. V. G. W. LEIBNITZ *Essais de Theodicée*, p. 173. Cfr. C. BONNET, *Contemplation de la Nature*, Tom. 1. p. 4. *seq. 2 ed.*



calcamus, & pro re habemus, haud digna, quæ oculis subjiatur, omnipotentem non minus prædicat Deum, quam portentosa mole valentes balanæ, immensique stellarum globi, quibus contemplandis, & considerandis obstupescimus t). Nonne bona quibus insecta gaudent, & fruuntur, quæque ceteris animalibus abunde afferunt, propensam Dei bonitatem, erga omnes res, sensu, & vita præditas, quam apertissime testantur? Insectorum persæpe admiratum studium, & curam de ovis ponendis, in ejusmodi locis, in quibus larvæ enatæ, ut fert earum natura, & alimentum, & securitatem habeant. Ova abscondit *Attelabus coryli* in foliis *Coryli*, quæ, mira arte, instar cylindri convolvit, & utrinque claudit u). Inuito naturæ instinctu progeniei suæ prospici-

t) *Des Artistes habiles sont parvenus, je l'avoüe, à faire des ouvrages, où brillent un art & une délicatesse, qu'on ne peut s'empêcher d'admirer — — Mais quand on examine ces ouvrages, avec le microscope, & qu'on les compare avec les Insectes, on y trouve une extrême difference. Les membres des Insectes y paroissent finis, & travaillés avec tout l'art possible; les chefs d'oeuvre de l'art humain, y paroissent grossiers, & raboteux. Ajoutez encore, que le mécanisme interieur des Insectes est un point, qui les met au-dessus de toute comparaison, & qu'il est impossible à l'homme d'imiter.*  
V. LESSER, *Theologie des Insectes*, Tom. I. p. 3.  
in not.

u) V. C. a LINNÉ, *Faun. Svec.* p. 184. seq. *Naturens Måstare bar gifvit Insekterna den gåfvan och förståndet, at veta lägga sina ägg på de ställen, der deras ungar*

spiciunt insecta, anxia consiliorum agitatione homines. Neque, ut ego arbitror, minor est admiratio ferti-

kunna få tjenlig föda, utan at derefter behöfva söka långt omkring. Fjärilar värpa på plantor, dem de veta passa sig för de små maskarna, som der skola kläckas. Man skal ej se en Fjärill, som i sin masketid födt sig af Nässlblad, lägga sina ägg på kol, ej eller en Kol-fjärill anförtro sina åt nässlan, eller någon ört, hvars blad ej anstå deras ungar. Flugor, hvilkas Maskar böra lefva af dödt kött, kasta äggen på alla förrutnelser af den arten. Några slags Ichneumoner hafva fådt et verktyg, som en näfware, hvarmed de genombåra huden på kol-maskar och andra Insecter, at värpa sina ägg i deras kroppar, emedan deras maskar deruti böra finna sin föda. De Insecter, hvilkas maskar lefva af Bladlös, värpa på blad och quistar, der sådana mycket vankas. Änger (Dermestæ) uppsöka pels-vårk, torkade kreatur, och döda Insecter, at der lägga sina ägg. Wissa Flugor at få sina maskar födde i bästars inelfvor, veta vägen genom bakdörren, at tränga sig in med sina ägg, och de, som behöfva sina i färens näsborar, veta äfven buru de skola bära sig åt. Alla de Insecter, som i sin maske-skapnad böra lefva i vattnet, t. ex. Myggor, Trollsländor, Ephemerer &c. underlåta aldrig at värpa i vattnet, eller på brynen, eller på plantor, som växa vid brådden — — Cocheniller tjena sjelfva til boen för sina ägg, de ligga så til sändes ut dem, de hålla dem under sig, och blifva på dem quare så länge de lefva, och jämväl efter döden: deras förtorkade kropp blir som et stadigt skal, til deras äggs förvar. V. C. de GEER, Tal om Insecternas afstring, p. 22. seqq. Cfr. J. C. FABRICIUS, l. c. p. 169. seq.





fertilitatis insectorum singularis v), in qua, ut in magna ovorum cura, sapientia Divina manifestior est, quam ut quemquam fugere deberet. Parit Elephas vix unicum quotannis pullum; Canis octo; Gallina viginti ova edit; Apis quattuor millia x). Nisi vero insecta prolis essent fecundissima, in eaque conservanda mirifice sollicita, multæ eorum species, in numeris hostibus laceffitæ, funditus interirent. Est quoque fecunda hæc insectorum natura valde necessaria, siquidem exigui sunt corporis, & numero id efficere debent, ad quod magnitudine non valent. Ex hisce omnibus, quæ leviter tantum, pro ingenii tenuitate, attingere potui, satis intelligi puto, non mediocri quodam consilio naturam mundi esse ordinatam, sed Deum in insectis æque, atque in ceteris rebus creandis, omnium tum felicitatem animalium, tum etiam sui cognitionem voluisse.

v) V. LESSER, *l. c. p. 117. seqq. in not.* Cfr. C. de GEER, *l. c. p. 33. seqq.*

x) V. C. a LINNÉ, *Syst. Nat. Tom. I. Pars 2. p. 956.* Cfr. J. C. FABRICIUS, *l. c. p. 76.* M. BASTER a calculé le nombre des oeufs, qu'une seule femelle de l'espèce des Homars, porte en dessous de sa queue, & il a trouvé au de-la de douze-mille, sans compter ceux, qu'elle avoit encore de reste dans son corps, & qui s'y présentent en forme d'une masse rouge. V. C. de GEER, *Memoires pour servir a l'Histoire des Insectes, Tom. 7. p. 362.*

Il n'est rien dans la Nature, quelque abjet qu'il paroisse, qui ne soit une merveille aux yeux de celui qui s'attache à le connoître.

LESSER